

JENIFER BISLICK LO DIRIGI INFANTILNAN DI SAVANETA



Bao di strooisel y ariba strooisel, e 7 candidatanan pa reina infantil di Savaneta, aki ta bailando, dilanti di miembronan di jurado y publico diasabra atardi na Heilig Hart School. Di r.p.d. por mira Ahirah Lozano, Sheila Lamp, Marisa Maduro, Gwendy Greaw, Jennifer Bislick, Maroushka de Cuba, y Gwendy v.d. Linden. Jennifer a ser eligi reina.

ORANJESTAD(AAN)—

Diasabra atardi na Heilig Hart College na Savaneta y bao di overdekte speelplaats a tuma lugar eleccion di reina infantil di Savaneta.

E sitio no a carga un cantidad di publico y mayoria mester a keda para. A dici di organiza e eleccion bao di overdekte speelplaats pa evita problemanan cu lo por tin cu awacero ya cu aña pasa tambe awacero a stroba e eleccion.

Diasabra atardi tambe awa a cay, pero e biaha aki e eleccion por a sigi su rumbo sin cu e publico a haya baño di awa.

Na Savaneta sinembargo e miembronan di jurado no a haya nan strobe den nan trabao, locual por a nota na varios otro eleccion e aña aki.

E comision di Savaneta a haci un bon trabao relaciona cu e punto aki.

Den exactamente un ora y mei, tabata conoci cual di e candidatanan a keda eligi.

Di e 7 reinitanan, ta e jovencita Jeniffer Bislick a ser eligi como reina y Maroushka de Cuba como runnerup.

Sr. Chelito de Kort a efectua coronacion di Jennifer.